



Finansira  
Evropska unija

## Regionalni program lokalne demokratije na Zapadnom Balkanu ReLOaD2



### Zapisnik sa održanog Dijaloga organizacija civilnog društva i Grada Goražde

Dana 13.12.2023. u Gradu Goraždu je organizovan prvi Dijalog Grada s organizacijama civilnog društva. Dijalog je rezultat osluškivanja potreba u zajednici i ima tendenciju da postane važan format redovnog komuniciranja Grada, s jedne strane, te organizacija civilnog društva s druge strane a u procesu implementacije projekata. Ovo je važan proces koji uključuje definiranje potreba, kreiranje tema i oblasti javnog poziva te praktične implementacije projekata. Proces facilitiranja Dijaloga, u ovoj fazi preuzeo je projekat ReLOaD2 dok postoji namjera da ovakav format dijaloga bude održiv i ne nužno vezan za okvire projekta.

Dijalogu se odazvao manji broj predstavnika OCD-a, tačnije 4 predstavnika organizacija iz različitih oblasti djelovanja i to 3 predstavnice i 1 predstavnik. Od prisutnih organizacija, sve imaju iskustva sa implementacijom ReLOaD 2 projekata.

Dijalog je partnerski vođen od strane predstavnice ReLOaD projekta, u ulozi facilitatorice, Aide Dolić, Mersihe Ćurčić i Azre Mirvić ispred Grada.

Učesnici su istakli odličnu saradnju sa samim Gradom, dobivanje pravovremene informacije, podrške i usmjerenja. Ističu da najveći problem je manjak interesa nevladinog sektora i slab odziv, kako na projektne aktivnosti tako i na sastanke koje Grad organizuje a sve sa ciljem prepoznavanja potreba nevladinog sektora. Prisutni navode da su teme po javnom pozivu prilagođene potrebama i ciljnim oblastima djelovanja nevladinih organizacija. Ističu važnost javnih rasprava, mentorskih sesija koje se organizuju i dostupnost kako predstavnika Grada tako i projekta za davanje jasnijih informacija.

Prepoznato je da postoji manjak interesa u samom gradu u oblasti nevladinog sektora. Na nivou Grada je registrovanih oko 200 organizacija a na pojedinačnim sastancima, evidentan je slab odziv.

Postoji potreba za organiziranjem Dijaloga te je predloženo da naredni sastanci se organizuju u poslijepodnevnom satima, a sve sa ciljem prilagodbe potrebama predstavnika organizacija civilnog društva.

Kroz ovakve dijaloge se može poboljšati saradnja i kreirati mreža kontakata i podrške između organizacija.